



აკაკი წერეთლის სახელმწიფო
უნივერსიტეტის აკადემიური საბჭო

ACADEMIC BOARD OF AKAKI
TSERETELI STATE UNIVERSITY

თამარ მეფის ქ. № 59
მის: 4600, საქართველო, ქუთაისი

ტელ: (+995 331) 4 21 73 ფაქსი (+995 331) 4 38 33
ელ.ფოსტა atsu@atsu.edu.ge

აკაკი წერეთლის სახელმწიფო უნივერსიტეტი

აკადემიური საბჭო

29 ივნისი, 2013

დადგენილება №108 (12/13)

**არასამეწარმეო (არაკომერციული) იურიდიული პირის - აკაკი წერეთლის სახელმწიფო
უნივერსიტეტის ზაფხულისა და ზამთრის სკოლის ორგანიზების შესახებ**

არასამეწარმეო (არაკომერციული) იურიდიული პირის - აკაკი წერეთლის სახელმწიფო უნივერსიტეტის ზაფხულისა და ზამთრის სკოლის დებულება დამტკიცდეს თანდართული ფორმით.

აკადემიური საბჭოს

თავმჯდომარე, რექტორი:

პროფ. გიორგი ღავთაძე

ზოგადი დებულებები

➤ ზაფხულისა და ზამთრის სკოლების ფუნქციონირება ხორციელდება „უმაღლესი განათლების შესახებ“ საქართველოს კანონის 21-ე მუხლის 1-ლი პუნქტის, უნივერსიტეტის წესდების მე-8 მუხლის ბ) და გ) პუნქტების, სხვა ნორმატიული დოკუმენტების საფუძველზე და ხელს უწყობს უნივერსიტეტში სწავლა/სწავლების პროცესის გაუმჯობესებას.

➤ ზაფხულისა და ზამთრის სკოლების ფუნქციონირება ხელს უწყობს უნივერსიტეტის ქვეყნისშიდა და საერთაშორისო კავშირების განვითარებას და უცხოელი სტუდენტების მოზიდვას მათთვის მრავალფეროვანი საგანმანათლებლო კურსების შეთავაზების გზით.

სკოლის საქმიანობის მიზნები

ზაფხულისა და ზამთრის სკოლების საქმიანობა ძირითადი მიზნებია:

➤ ხელი შეუწყოს აკადემიურ დავალიანებაში მყოფ სტუდენტებს სასწავლო პროცესისაგან თავისუფალ დროს აითვისონ კრედიტები სასწავლო წლის განმავლობაში კანონმდებლობით დაშვებული ნორმის (75 კრედიტი) ფარგლებში.

განმარტება: ხშირ შემთხვევებში, იმ გარემოების გამო, რომ სასწავლო კურსს გააჩნია წინაპირობები დავალიანებაში მყოფი სტუდენტი ვერ ახერხებს მომდევნო სემესტრში სწავლის გაგრძელებას. ზაფხულისა/ზამთრის სკოლაში კრედიტების წარმატებით ათვისების შემთხვევაში სტუდენტი შეუფერხებლად შეძლებს სწავლის გაგრძელებას.

➤ საშუალება მისცეს აწსუ სტუდენტებს, სწავლის საფეხურის შესაბამისად, დამატებით აითვისონ კრედიტები მათთვის საინტერესო სხვა საგანმანათლებლო პროგრამებიდან, რაც ხელს შეუწყობს მათი აკადემიური და სამეცნიერო ინტერესების უკეთ დაკმაყოფილებას.

➤ შესთავაზოს საქართველოს ლიცენზირებული უსდ-სა მათთან გათანაბრებული საზღვარგარეთის უმაღლესი სასწავლებლების სტუდენტებს მრავალფეროვანი საგანმანათლებლო კურსები, მათი შემდგომი აღიარების მიზნით.

განხორციელების ვადები

➤ ზამთრის სკოლა ფუნქციონირებას იწყებს თებერვლის თვის პირველ კვირაში და მუშაობს 3 კვირის განმავლობაში, რაც სკოლის მსმენელს აძლევს მაქსიმუმ 5 კრედიტის ათვისების საშუალებას.

➤ ზაფხულის სკოლა ფუნქციონირებას იწყებს ივლისის თვის მეორე კვირიდან და მუშაობს 6 კვირის განმავლობაში, რაც სკოლის მსმენელს აძლევს მაქსიმუმ 10 კრედიტის ათვისების საშუალებას.

აკადემიური რესურსი

➤ სკოლების საქმიანობის აკადემიურ უზრუნველყოფას ახორციელებს აწსუ აკადემიური/მოწვეული პერსონალი, რისთვისაც უნივერსიტეტის ადმინისტრაცია მათთან აფორმებს ერთჯერად ხელშეკრულებას დამატებითი სამუშაოს შესრულების თაობაზე.

საქმიანობის ორგანიზაცია

➤ ზაფხულისა და ზამთრის სკოლის მსმენელად შეიძლება ჩაირიცხოს მხოლოდ აწსუ სტუდენტი, საქართველოს ავტორიზებული უსდ-ს სტუდენტი და უცხოეთის შესაბამისი სტატუსის მქონე უსდ-ს სტუდენტი. სტუდენტის ჩარიცხვა ხდება მისი სტატუსის შესაბამისი (ბაკალავრიატი, მაგისტრატურა, დოქტორანტურა) საგანმანათლებლო პროგრამის სასწავლო კურსზე.

➤ ზაფხულისა და ზამთრის სკოლის მსმენელად ჩარიცხვის მიზნით სტუდენტი განცხადებით მიმართავს უნივერსიტეტის ადმინისტრაციას. განცხადებაში მითითებული უნდა იყოს სტუდენტის პირადი მონაცემები და იმ კურსის/კურსების ჩამონათვალი, რომელთა გავლა სურს სტუდენტს.

➤ უნივერსიტეტის ადმინისტრაციაში შემოსული განცხადებების საფუძველზე შეიქმნება აკადემიური ჯგუფი რექტორთან შეთანხმებით

➤ სწავლება აკადემიურ ჯგუფში წარმართება წინასწარ დადგენილი გრაფიკის მიხედვით. გრაფიკის შედგენას უზრუნველყოფს შესაბამისი საგანმანათლებლო პროგრამის განმახორციელებელი ფაკულტეტის ადმინისტრაცია.

➤ სასწავლო კურსის სწავლება განხორციელდება აწსუ აკადემიური საბჭოს მიერ დამტკიცებული სილაბუსის შესაბამისად, სრული მოცულობით, სწავლისა და შეფასების მეთოდების სრულად გამოყენებით.

განმარტება: ზაფხულისა და ზამთრის სკოლები საქმიანობას წარმართავენ აწსუ აკადემიური საბჭოს მიერ დამტკიცებული, აკრედიტებული საგანმანათლებლო პროგრამების მიხედვით.

ფინანსური უზრუნველყოფა

➤ ზაფხულისა და ზამთრის სკოლაში სწავლა ფასიანია.

➤ ზაფხულისა და ზამთრის სკოლაში სწავლის საფასური გამოიანგარიშება მოცემულ საგანმანათლებლო პროგრამაზე იმ წლისათვის დადგენილი სწავლის საფასურის პროპორციულად.

მაგალითად, თუ სტუდენტს ასათვისებელი აქვს 5 კრედიტი და მოცემულ პროგრამაზე სწავლის საფასურია 2250 ლარი, ზაფხულისა და ზამთრის სკოლაში სწავლის საფასური გამოიანგარიშება შემდეგნაირად: $2250/60 \cdot 5 = 187,5$ ლ. (სადაც 2250 არის საგანმანათლებლო პროგრამაზე სწავლის წლიური საფასური, 60- სასწავლო წლის განმავლობაში ასათვისებელი კრედიტების რაოდენობა, 5- სკოლის მსმენლის მიერ ასათვისებელი კრედიტების რაოდენობა).